

Letter 293: 8 July 1526, Strasbourg, Capito to the cantons of the Swiss Confederation

The manuscript of the letter is in AST 175, f. 43.

Edlen, strengen, fromen, vesten, fursichtigen, ersamen, und weysen herrn meyn gutwillig dienst, und weiß ich eren und gutz vermag, sey ewer S. E. W. zuvor.

Uff den sechsten tag Julii, hab ich zu Straßburg empfangen einen brieff von Ratsbothen der Zwolff Ört unterschriben, inhalt darinn verwarter copey, harinn ich angezogen wurde, alß ob mein schriffen an Zwinglin außgangen, und durch eigene bottschaftt überschribt, einer gemeinen Eidgnoschafft und der warheyt zu wider sein solte, deß ich nit wenig beschwerde trag. Dann ich ihe bergerte einer Erbarkeyth bey allen Eydtgnossen hulde und willen zubehalten, darumb ich dann wider an die S. E. W. der Zwelff Orten Rathsbotten, wo sig disser zeit versamlet seind geschriben, und alß ich gerings vermogens bin, durch zufallende bottschaftt überschribt habe, im willens sy da mit gegen mir zubegütigen, welcher schriff copey ich euch hiemit auch zu stelle, mit flissiger bitt, die freuntlichen zuverlesen, und dermaßen zunversten, alß ob sy einen S. E. W. besonder zu geschriben were, und wo etwas unwillens wider mich uffbracht were, den selbigen freuntlichen nachzelossen, und da fur zu haben, das ich einer löblichen Eidtgnoschafft frummen unnd nutz gegen gott und der welt hochlich begeren bin, hie mit mich euwer fursichtigen wißheyte befehliche. Geben Straßburg uff den achten tag Julii Anno etc. xxvi.

E. S. E. W.

Williger Wolffgang Capito, praedicant zu Straßburg